



AVISU

DIIS PO S'APLICATZIONI DE SU MICROCHIP E ISCRITZIONI A INDONU A S'ANÀGRAFE DE IS CANIS

A intrus de is atividadis cunnèttias a su cuntrastu de su randagimu, su Comunu de arresi, in collaboratzioni cun su Servìtziu Veterinàriu de s'ATS Sardigna e s'Assòciatione Protezione Civile, organizat una dii de anagrafadura de is canis a indonu. Sàbudu 17 de mese de idas de is 09:00 a is 12:00 in sa sea de sa Protetzioni Civili in via Cagliari 13, totus is tzitadinus meris de canis chi siant residentis o dimorantis in su territòriu de su Comunu de Arresi ant a podi iscriri a in donu su cani insoru a s'anàgrafe canina regionali, po mèdiu de microchipatura chi ant a fai is veterinàrius de su Servìtziu Veterinàriu de sa ATS Sardigna - ASSL Carbònia.

SU CUMBIDU BALIT PURU PO IS MERIS DE IS BIDDAS DE ACANTA.

S' Anagrafadura de is canis est **OBBLIGATÒRIA PO MORI DE SA LEI**, e cunsistit in s'introduzioni, asuta de sa peddi, de unu microchip eletrònicu aundi ddoi funt is datus de su meri. Custa aplicatzioni non fait dolori a s'animali e est s'ùnica manera po podi torrai a identificai unu cani pèrdiu o furau.

S'anàgrafi de is canis regionalis est su registru de is canis identificau po mèdiu de inoculatzioni sutacutànea de unu microchip in su territòriu de sa Regioni Sardigna.

Sa registratzioni in sa banca datus est obligatòria e si depit fai a intrus de diis de sa nàscida o de s'acuisizioni de su cani, est fata a indonu a incuru de is Servìtzius Veterinàrius de sa ATS o a pagamentu de is veterinàrius profesionistas lìberus autorizaus in manera espressa, chi su meri podit scioberai de si rivolgi.

Su meri o chi tenit su cani tenit s'òbbligu de comunicai a sa ASSL cumpetendi, in prus de sa nàscida o s'acuisizioni de su possessu, dònna variatzioni chi pertocat su stadu anagràficu de su cani: morti, fura o pèrdida (in manera pronta puru telefonendi o po iscritu a intrus de cuìndixi diis), cessioni di proprietàdi (a intrusd e cuìndixi diis) o càmbiu de residèntzia (a intrus de trinta diis).

S'identificatzioni de is cani po mèdiu de su microchip est stètia introdùsia in sa Sardigna cun sa lei regionali de su 18 de maju 1994, n. 21 "Normas po s'amparu de is animalis e istitutzioni de s'anàgrafe de is canis".

ANAGRAFADURA DE IS CANIS A INDONU SÀBUDU 17.12.2022 DE IS ORAS 09.00 A IS ORAS 12.00 IN VIA CAGLIARI, 13 AUNDI EST SA SEA DE SA PROTETZIONI CIVILI

Su servìtziu est a indonu. Si arregordat ca sa denùntzia de is canis a s'anàgrafe de is canis est obligatòria. Totus is meris de is canis, cunt cumbidaus a si presentai cun su cani acapiau, e si s'animali fessit agressivu depit essi postu de murrali.

n antis de applicai su microchip e de s'iscritzioni de s'anàgrafi de is canis si depit ammostrai su documentu de identidadi e su còdixi fiscali de su meri de su cani.

